

漱玉詞陽春集
得全居士詞
澹菴長短句



得全居士詞

趙鼎著

中華書局

得全居士詞

此據別下齋叢書
本排印初編各叢
書僅有此本

得全居士詞

聞喜 趙鼎 元鎮

蝶戀花

長道縣和元彥修梅詞。彥修錢塘人。名時敏。坐張天覺黨。自戶部員外郎謫監長道之白石鎮。

一朵江梅春帶雪。玉軟雲嬌。姑射肌膚潔。照影凌波微步怯。暗香浮動黃昏月。謾道廣平心似鐵。詞賦風流。不盡愁千結。望斷江南音信絕。隴頭行客空情切。

又

河中作

盡日東風吹綠樹。向晚輕寒。數點催花雨。年少淒涼天付與。更堪春思繁離緒。臨水高樓攜酒處。曾倚哀絃。歌斷黃金縷。樓下水流何處去。凭欄目送蒼烟暮。

虞美人令

馮翊送信道
舅先歸桐宮

魂消目斷關山路。曾送雕鞍去。而今留滯古陪京。一本作燕京還是一樽芳

酒送君行。吾廬好在條山曲。三徑應蕪沒。誅茅爲我補東籬。會待
新春殘臘也來歸。

怨春風

閨怨

寶鑑菱花瑩。孤鸞慵照影。魚書蝶夢兩浮沉。一本作銷沉恨恨恨。結盡丁香。
瘦如楊柳。雨疎雲冷。宿醉厭厭病。羅巾空淚粉。欲將遠意託湘絃。
悶悶悶。香絮悠悠。畫簾悄悄。日長春困。

點絳脣

春怨

香冷金爐。夢回鴛帳餘香嫩。更無人問。一枕江南恨。消瘦休文。頓
覺春衫褪。情明近。杏花吹盡。薄暮東風緊。

人月圓

中秋

連環寶瑟深深願。結盡一生愁。人間天上。佳期勝賞。今夜中秋。雅
歌妍態。嫦娥見了。應羨風流。芳樽美酒。年年歲歲。月滿高樓。

河傳

以石曼卿詩爲之

年年桃李。渺關河一夢。飛花空委。鴈去燕來。錦字參差難寄。斂雙眉。山對起。嬌波淚落粧如洗。獨倚高樓。日日春風裏。江水際。天色無情。似送離懷千里。

燕歸梁

爲人生日作

綽約彤霞降紫霄。是仙子風標。湘裙明珮。響瓊瑤。散馥郁。暗香飄。小春十月寒猶淺。粧一本無粉弄梅梢。秦樓風月待吹簫。舞雙鶴。醉蟠桃。

減字木蘭花

和倅車韻。倅將還關。因以送之。

筆端紅翠。造化工夫春有意。雲夢涵胸。好去蓬山十二重。天街道。騎催喚。謫仙泥樣醉。電掃雲空。百斛明珠咳唾中。

好事近

倅車還關。分得茶詞。

蘭燭畫堂深。歌吹已終瑤席。碾破密雲金縷。送蓬萊歸客。看看宜
詔未央宮。草詔待宸極。拜賜一盃甘露。泛天邊春色。

賀聖朝

鎮試府學
夜坐作

斷霞收盡黃昏雨。滴一本脫梧桐疎樹。簾櫳不捲夜沈沈。鎖一庭風露。
天涯人遠。心期夢悄。苦長宵難度。知他窗外促織兒。有許多言語。

烏夜啼

簷花點滴秋清。寸心驚。香斷一爐沉水。一燈青。涼宵永。孤衾冷。夢
難成。葉葉高梧敲恨。送殘更。

浣溪紗

美人

豔豔春嬌入眼波。勸人金盞緩聲歌。不禁粉淚搵香羅。暮雨朝雲
相見少。落花流水別離多。寸腸爭奈此情何。

畫堂春

春日

空籠簾影隔垂楊。夢回芳草池塘。杏花枝上蝶雙雙。春晝初長。
強理雲鬟臨照。暗彈粉淚沾裳。自憐容豔惜流光。無限思量。

浪淘沙

次韻史東
美洛中作

歸計信悠悠。歸去誰留。夢隨江水遶沙洲。沙上孤鶻猶笑我。萍梗飄
流。與世且沉浮。要便歸休。一杯消盡一生愁。儻有人來閒論事。我
會搖頭。

水調歌頭

甲辰九月十五日夜飲
獨樂見山臺坐中作

屋下疏流水。屋上列青山。先生跨鶴何處。窈窕一作窈。窈白雲閒。採藥當
年三徑。只有長松綠竹。霜吹晚蕭然。舉酒高臺上。彷彿揖羣仙。轉
銀漢。飛寶鑑。溢清寒。金波萬頃不動。人在玉壺寬。我唱君須起舞。要
把嫦娥留住。相送一盃殘。醉矣拂衣去。一笑渺人寰。

雙翠羽

三月十三日夜飲南
園作。舊名念奴嬌。

小園曲徑。度疎林深處。幽蘭微馥。竹隄無人雙翠羽。飛觸珊瑚寒玉。更欲題詩。晚來孤興。却恐傷幽獨。不如花下。一樽芳酒相屬。慨念故國風流。楊花春夢短。黃梁初熟。卷白千觴須勸我。洗此胸中榮辱。醉揖南山。一聲清嘯。休把離騷讀。遲留歸去。月明猶掛喬木。

河傳

秋夜旅懷

秋光向晚。歎羈遊坐見。年華將換。一紙素書。擬託南來征鴈。奈雪深天更遠。東窗皓月。今宵滿。淺酌芳樽。暫倩嫦娥伴。應念夜長。旅枕孤衾不暖。便莫教清影轉。

滿江紅

丁未九月南渡泊舟儀真江口作

慘結秋陰。西風送霏霏。一本作絲絲。雨濕淒涼。望眼征鴻幾字。莫投沙磧。試問一本作鄉關何處是。水雲浩蕩。迷南北。但一抹寒青。一本作但修眉一抹。有無中。遙山色。天涯路。江上客。腸欲斷。頭應白。空搔首興嘆。暮年離拆。一本作隔。

須信道消憂。一本作欲待忘憂。除是酒。奈酒行有盡情無極。便撈取長江。一本作便撈將

江入樽罍。繞胸臆。

鷓鴣天 建康上元作

客路那知歲序移。忽驚春到小桃枝。天涯海角悲涼地。記得當年全盛時。花弄影。月流輝。水精宮殿五雲飛。分明一覺華胥夢。回首東風淚滿衣。

浣溪沙

建康次韻范元長送邢子方。一本作子友。

惜別懷歸老不禁。一年春事柳陰陰。日下長安何處是。碧雲深。已恨梅花疎遠信。休傳桃葉怨遺音。一醉東風分首去。兩心驚。

如夢令

建康作

烟雨滿江風細。江上危樓獨倚。歌罷楚雲空。樓下依前流水。迢遞。迢遞。目送孤鴻千里。

好事近

杭州作

楊柳曲江頭。曾記綵舟良夕。一枕楚臺殘夢。似行雲無迹。青山迢遞水悠悠。何處問消息。還是一年春莫。倚東風獨立。 青山迢

點絳脣

惜別

惜別傷離。此生此念無重數。故人何處。還送春歸去。美酒一盃。誰解歌金縷。無情緒。淡烟疎雨。花落空庭暮。

琴調相思令

思歸詞

歸去來。歸去來。昨夜東風吹夢回。家山安在哉。酒一杯。復一杯。准擬愁懷待酒開。愁多腸九回。

望海潮

八月十五日。錢塘觀潮。

雙峯還促。回波奔注。茫茫濺雨飛沙。霜凜劍戈。風生陣馬。如聞萬鼓齊擗。兒戲笑夫差。謾水犀強弩。一戰魚蝦。依舊羣龍怒卷。銀漢下天。

涯。雷驅電熾雄夸。似雲垂鵬背。雪噴鯨牙。須臾變滅。天容水色。瑣
田萬頃無瑕。俗眼但驚嗟。試望中彷彿。三島烟霞。舊隱依然。幾時歸
去泛靈槎。

花心動

鶴居杭州七寶山
國清寺冬夜作

江月初升。聽悲風蕭瑟。滿山零華。夜久酒闌。火冷燈青。奈此愁懷千
結。綠琴三嘆。朱絃絕。與誰唱陽春白雪。但還想窮年坐對。斷編遺冊。
西北樓搶未滅。千萬鄉關夢。遙吳越。飄念少年。橫槊風流。醉膽海
涵天闊。老來身世疎篷底。忍惟停看人顏色。更何事歸歟。枕流漱石。

洞仙歌

空山雨過。月色浮新釀。把盞無人共心賞。漫悲吟獨自。然斷霜鬚。還
就寢。秋入孤衾漸爽。可憐窗外竹。不怕西風。一夜瀟瀟弄疎響。奈
此九回腸。萬斛清愁。人何處。邈如天樣。縱隴水秦雲阻歸音。便不許

時閒夢中尋訪

烏夜啼

中

雨餘風露淒淒然。月流天。還是年時、今夜照關山。
收別淚、持杯起、問
嬋娟。問我扁舟流蕩幾時還。

滿庭芳

九日用韻
明工詩作

靡靡流光。淒淒風露。小園草木初彫。杳然塵影。爽氣界天高。愛此佳
名重九。隨宜對秋菊持醪。登臨處。哀蟬斷響。燕鴈度雲霄。閒謠。情
緬邈。相尋萬化。人世徒勞。念胸中百慮。何物能消。欲致顏齡不老。和
金莖一醉陶陶。君休問。千年事往。聊與永今朝。

好事近

雪中攜酒
過二元長

春色徧天涯。寒谷未知消息。且共一樽芳酒。看東風飛雪。
太平遺
老洞霄翁。相對兩華髮。一任醉魂飛去。訪瓊瑤官闕。

又再

和

羈旅轉飛蓬。投老未知休息。卻念故園春事。舞殘紅飛雪。危樓高處望天涯。雲海奇窮髮。一本作一抹山如髮。只有舊時涼月。照清伊雙闕。

又再

和

一炷鼻端香。方寸浪平風息。汲取玉池春水。點紅爐微雪。年來都。以酒相妨。進退只毫髮。一本作尺。退進毫髮。卻道醉鄉深處。是三山神闕。

又再

和

烟霧鎖青冥。直上九關一息。姑射有人相挽。瑩肌膚冰雪。騎鯨卻下大荒來。天風亂吹髮。慨念故人非是。漫塵埃城闕。

少年遊

山中
送春

三月正當三十日。愁殺醉吟翁。可奈青春大無情。甚歸去。苦匆匆。共君今夜不須睡。樽酒且從容。說與樓頭打鐘人。道休打。五更鐘。

得全居士詞

賀聖朝

丙辰歲
生日作

花光燭影春容媚。香生和氣。紛紛兒女。拜翁前。勸犀樽金醴。家釀名。出真語。
凌烟圖畫。王侯富貴。非翁雅意。願翁早早乞身歸。對青山沈醉。

又

道中聞
子規

征鞍南去天涯路。青山無數。更堪月下子規啼。向深山深處。
淒然推枕。難尋新夢。忍聽伊言語。更聞人靜一聲聲。道不如歸去。

醉蓬萊

慶
詩

破新正春到。五葉堯蓂。弄芳初秀。翦綵然膏。燦華筵如畫。家慶圖中。
老萊堂上。競祝翁遐壽。喜氣歡容。光生玉墀。香霏金獸。誰會高情。
淡然聲利。一笑塵寰。萬緣何有。解組歸來。訪漁樵朋友。華髮蒼顏。任
從老去。但此情依舊。歲歲年年。花前月下。一尊芳酒。

小重山

漠漠晴霓和雨收。長波千萬里。拍天流。雲帆烟棹去悠悠。西風裏。歸興滿滄洲。謾道醉忘憂。蕩高懷。遠恨更悲秋。一眉山色爲誰愁。黃昏也。獨自倚危樓。

惜雙雙 梅

度隴信音誰與寄。腸斷江南千里。深雪前村裏。一枝昨夜傳芳意。冷蕊暗香空旖旎。也應是春來憔悴。風度將誰比。憶曾插向香羅袂。

西江月

過福唐留別故人

世態浮雲易變。時光飛箭難留。五年重見海東頭。只有交情似舊。未盡別來深意。難堪老去離愁。青山迢遞水悠悠。明日扁舟病酒。

行香子

草色芊綿。雨點闌斑。糝飛花還是春殘。天涯萬里。海上三年。試倚危樓。將遠恨、捲簾看。舉頭見日。不見長安。謾凝眸。老淚淒然。山禽飛